



Vol. 4

No Known Copyright

Princeton University Library reasonably believes that the Item is not restricted by copyright or related rights, but a conclusive determination could not be made.

You are free to use this Item in any way that is permitted by the copyright and related rights legislation that applies to your use.

Princeton University Library Disclaimer

Princeton University Library claims no copyright governing this digital resource. It is provided for free, on a non-commercial, open-access basis, for fair-use academic and research purposes only. Anyone who claims copyright over any part of these resources and feels that they should not be presented in this manner is invited to contact Princeton University Library, who will in turn consider such concerns and make every effort to respond appropriately. We request that users reproducing this resource cite it according the guidelines described at <http://rbsc.princeton.edu/policies/forms-citation>.

Citation Information

Vol. 4


Contact Information

Download Information


Date Rendered: 2019-10-06 01:07:27 AM UTC

Available Online at: <http://arks.princeton.edu/ark:/88435/6969z608c>

4



C 116/2911
v.4



眼目門

天有日月之精華人有眼目之靈光覩萬物察纖毫而無所不照鑑也日月有一時之晦暗風雲雷雨之所致眼目有四氣之失明七情六慾而為害內屬五臟外合五行竅門通肝而腎經猶為重也况腎為天乙之水乃滋身之主修肝木之本源水盛木旺何眼病之有治之須究其源風熱則驅散之暴火則清涼之氣結則調順



之腎虛則溫補之量人之老幼氣血之盛衰當用點服
二藥不可妄用針刀倘有悞而為之者必為終身之害
也又不可過用涼劑冰其熱血凝結而不流恐成痼疾
不惟眼目受害而且脾胃俱傷損其根本人將何依寧
不悲乎

琥珀還睛丸

石斛夜光丸

明目地黄丸

杞菊地黄丸

黃連羊肝丸

清心明目上清丸

明目蒺藜丸

撥雲退翳丸

扶 睫 丸

開光復明散

鵝翎管眼藥

洗眼蠶繭藥

撥雲散

清火止痛丸

光明蒺藜丸

慈 硃 丸

明目黃連膏

明目羊肝散

羊肝益腎丸

碧 玉 丸

退翳廻光膏

秘製痊睚散

平肝明目散

琥珀還睛丸

蓋人之一身惟眼病多端其症七十有二外合五行八卦內應五臟六腑治之須明天時氣候當分老幼虛實切勿過用涼劑恐傷脾胃而成痼疾矣謹遵進呈方製此藥專治遠年近日一切眼目之疾內外翳障攀睛胬肉爛弦風眼年老昏花多眵難開迎風冷淚視物如烟久成翳障最能降火生水若能久服夜

讀細字真海內奇方也每服二錢空心鹽湯送下

當歸_{八兩} 薄荷_{八兩} 白芍_{八兩} 黃芩_{八兩}

蟬退_{八兩} 梔子_{八兩} 沙參_{八兩} 夜明沙_{八兩}

蛇退_{六兩} 石決明_{八兩} 生地_{四兩} 荊芥_{四兩}

赤芍_{四兩} 川連_{四兩} 天冬_{六兩} 黃柏_{五兩}

知母_{三兩} 菊花_{六兩} 丹皮_{三兩} 吉利_{四兩}

枯草_{三兩} 琥珀_{四兩}

共為細末煉蜜為丸如桐子大

石斛夜光丸

觀夫遠年近日一切眼目昏花內外障膜攀睛弩肉
爛弦風眼視物不明以及燈窻勤讀之士年老血虛
之人目暗多眵迎風冷淚久成翳障恐為癩疾則難
治矣余遵古方書修合石斛夜光丸此藥最能降火
生水抑肺平肝兼理脾胃但能久服夜讀細字真有

如是之功能故名為夜光丸也每服二錢空心淡鹽湯送下

石	斛八兩	菊	花四兩	枸	杞四兩	生	地四兩
熟	地四兩	當	歸四兩	茯	苓四兩	山	藥四兩
鈴	羊一兩五錢	犀	角一兩五錢	人	參一兩五錢	鬼	絲二兩
牛	膝一兩五錢	杏	仁一兩五錢	天	冬三兩	麥	冬三兩
防	風三兩	只	壳二兩	箱	子二兩	蓰	蓉二兩

沙苑三兩
川芎二兩
草決明四兩
黃芩三兩
共為細面煉蜜為丸如桐子大

明目地黄丸

凡療眼疾須補腎元次修肝木乃治法之大端也腎虛則視物不明肝風則冷淚常出肺燥則赤脉流通脾濕則拳毛倒睫心熱則拳睛弩肉此五臟受病之源也或酒色過度或勞役傷神或日冒風砂或夜卧

熱炕或暴怒相冲或厚味太過或內中七情或外傷
六慾或瞻星望日或近火冲烟以致雙目失明迎風
冷淚視物如烟覩空中如霜雪之形視太陽如同底
蓋大抵眼目昏花多出腎水不足不能滋養肝木緣
水不能生木之故久服有功乃固本之聖藥也每服
二錢空心鹽湯送下

熟地八兩 山萸四兩 山藥四兩 丹皮三兩

澤泄三兩 茯苓三兩 當歸二兩 枸杞三兩

菊花三兩 鬼絲三兩 黃柏二兩 知母二兩

吉利三兩 川芎二兩 白芍三兩

共為細末煉蜜為丸如桐子大

杞菊地黄丸

此藥滋陰補腎益血明目治老弱眼目昏花視物不
真常見黑花多生冷淚及少年近視內外障翳久患

眼疾經年不愈者每服三錢空心用淡鹽湯送下忌
氣惱勞碌房事蒜葱椒薑烟酒羊肉

熟地八兩 山藥四兩 丹皮三兩 荳蔻四兩

澤泄三兩 茯苓三兩 枸杞四兩 菊花四兩

鬼絲二兩 沙苑二兩

共為細末煉蜜為丸如桐子大

黃連羊肝丸

大凡肝火盛則睛珠疼痛心火旺則赤腫附睛肝盛
火旺則熱氣上炎兩目赤腫羞明眵淚常欲睡閉不
敢久視或久視則疼或雲翳淫熱等症此丸用黃連
除熱毒以滋腎經化源之水用羊肝以引入肝經使
肝與肝合則目明而永無生火之患矣每服二錢滾

白水送下

當歸四兩 茯苓四兩 草決二兩 白芍四兩

桔梗	五兩	天冬	二兩	枸杞	五兩	生地	五兩
麥冬	三兩	川芎	三兩	熟地	五兩	繇子	四兩
石決	二兩	五味	二兩	山萸	五兩	蒺藜	六兩
蒙花	二兩	青箱	二兩	川連	二兩	羊肝	二具

共為細末羊肝和蜜為丸如梧桐子大

清心明目上清丸

專治上焦火盛眼目赤腫白睛紅赤上下胞腫暴發

壅眵熱淚昏花一切眼目火熱之症服之神效每服三錢五分食遠茶清送下小兒三五分忌葱蒜椒薑雞魚羊肉孕婦勿服

歸尾	十六兩	川芎	八兩	生地	八兩	黃柏	八兩
黃芩	八兩	薄荷	八兩	只壳	六兩	草決	八兩
菊花	八兩	連翹	六兩	桔梗	六兩	防風	八兩
荊芥	八兩	川羌	八兩	木賊	八兩	白芷	六兩

甘草 六兩 大黃 一斤半

共為細末水法為丸如桐子大

明目蒺藜丸

專治眼目諸症內外障翳視物昏花迎風流淚羞明怕日雀目青盲暴發赤腫雲翳氣矇天行時眼久患風疾眼邊赤爛不時舉發癢澁痛痒壅眵熱淚等症不論遠年近日一切疑難眼症悉皆治之每服二錢

重者三錢臨睡滾白水送下忌氣腦勞碌一切動火之物此藥常服補腎還睛平肝明目清肺降火通利上焦頭腦輕清目症自除

蒺藜 二斤 川芎 八兩 羌活 八兩 甘草 四兩

防風 一斤 黃芩 一斤 菊花 一斤 丹皮 八兩

荊芥 一斤 赤芍 一斤 連翹 一斤 木賊 十二兩

蝉退 十二兩

共為細面水法為丸如桐子大

撥雲退翳丸

夫眼者五臟六腑之精華完益百骸之至要洞觀萬物朗視四方莫不由眼之照鑑也眼之為症甚多種種不一各有所屬因症而治大凡眼生雲翳白膜遮睛朦朧蔽人昏暗不明迎風流淚隱澁難忍皆由肝經有熱肺金不清氣怒上攻而然也用此丸能平肝

清肺降火滋陰疎風散熱消磨雲翳乃開光復明之聖藥也每服二三錢早晚用茶清送下白滾水亦可忌急怒烟酒葱蒜胡椒一切辛辣等物

蒙花八兩 木賊八兩 吉利一斤 青鹽六兩

薄荷八兩 白芷八兩 甘草四兩 知母六兩

荆穗八兩 川芎八兩 杞子八兩 白芍八兩

菊花八兩 當歸八兩 褚實六兩 蔓荊六兩

巨勝子四兩 蟬退六兩

共為細末水法為丸如桐子大

扶 眈 丸

夫眼者開竅於肝內屬五臟外應五行論眼目之疾種種不一予遵古方合扶眈丸專治拳毛倒眈昏暗不明血系攀睛隱澁難忍迎風流淚眼胞虛浮皆脾肺二經有虧用此藥養血疎風和肝補脾胃土旺則

生肺金金水相生何慮倒眈之疾不愈矣久久服之大有奇功每服二錢日進二服滾白水送下忌烟酒葱蒜蘿蔔胡椒羊肉等物

廣皮八兩 厚朴八兩 蒼朮八兩 炙草四兩

荊子十二兩

共為細末水法為丸如桐子大

開光復明散

眼乃肝之苗腎乃精之本此槩論也夫目症多端有
虛有實實者瀉其陽火虛者滋其陰水眼目昏花水
不能生木也木枯生火火盛生土火土太旺則有雲
翳遮睛之患此藥善退雲翳開內外障消攀睛化弩
肉散風熱清心火甚至年老昏花迎風流淚勿論新
久每早晚用骨簪蘸水粘藥點於目眥仰合片時功
效非常

驚翎管眼藥

內經云五臟六腑之精氣皆上注於目而為之睛睛
之窠而為眼腎精為瞳子心精為眼窠總絡肝精為

黑珠肺精為白眼肌肉精為約束裏擷筋骨氣血精
與脉為系上屬腦後出項然十二經脉三十五絡榮
衛皆稟受於脾土而貫於目故目者心之使心者神
之舍也苟精神煩亂風火上攻則眼目昏花或外感
風熱雲翳遮精等症須用此藥能退雲翳開內外障
消攀睛努肉散風清熱一切眼疾勿論新久並皆治
之每早晚用水將此藥點於眼內仰合片時大有功

以五子三花湯煨礬甘石七次為末水飛淨每
兩面加冰片四分

洗眼蠶繭藥

眼科之症七十有二雖有虛實之論陰陽補瀉豈可
不辯乎治療之法實者瀉其陽火虛者滋其陰水次
則修木降火潤土清金五行而有相生之道安有不
効之理也予秘製蠶繭藥專洗爛風弦眼努肉攀睛

雲翳外障覩物昏花羞明怕日迎風流淚及暴發赤腫隱澁難開或痛或痒或生眵膜或流熱淚並皆洗之每用一枚入茶鐘內滾水半鍾泡片時連洗三五次止淚却痛如神

防風二錢黃連二錢歸尾二錢杏仁二錢

麝生二錢生梔一錢銅祿一錢胆凡五分

菊花二錢紅花一錢五分

共為細末蠶繭盛之

撥雲散

此藥專點遠年近日不論新久雜患眼疾一切風眼火眼暴發紅腫或痛或癢或癰澁難開怕日羞明雲翳遮睛眵淚昏花眼邊赤爛等症每用濕銀簪蘸藥少許點大眼角內閉目靜座一時日點三四次神效

蘆甘石四兩川連一兩冰片一錢琥珀一錢

珍珠五分

先將川連煎汁一大碗即以之煨蘆甘石七次
吃干為度再入群藥面研勻為散

清火止痛丸

暴發赤腫晝夜疼痛熱淚不止羞明避日癰溢難開
一切火眼或因厚味烟酒或因惱怒相冲或因風砂
熱炕以致三焦積熱上攻頭目此藥平肝順氣驅散

風火收淚止痛每服二錢早晚茶清送下至重者不
過三日全愈

生軍 一斤 吉 梗 十二兩 鈴 羊 四兩 黃 芩 八兩

生地 一斤 赤 芍 八兩 梔 子 四兩 川 芎 八兩

薄 荷 八兩 羌 活 三兩 只 壳 四兩 川 連 四兩

荆 芥 四兩 防 風 十二兩

共為細末水法為丸如桐子大

光明蒺藜丸

專治眼目諸症內外障翳視物昏花迎風流淚羞明
怕日雀目青盲暴發赤腫雲翳氣矇天行時眼久患
風疾眼邊赤爛不時舉發癢澁痛痒壅眵熱淚等症
不論遠年近日一切疑難眼症悉皆治之每服二錢
臨睡滾白水送下忌氣惱勞碌一切動火之物此藥
常服補腎還睛平肝明目清肺降火通利上焦頭腦

輕清目病自除

慈 硃 丸

專治目疾一切肝腎不足心火熾盛內外障翳雲矇

昏花覩物或成二體久視則光有虧瞳人散大瞳人
焦小色或淡綠色或淡白皆可服之每服十丸隔一
日加二丸加至三十丸為止每日空心用米飲送下
日晚兼服石斛夜光丸其功甚速此藥入腎能鎮養
真精使神水不能外移抑且入心能鎮養心血使邪
火不得上侵心與腎齊又何患目之不明也服藥後
忌急怒房勞一切動火發物

活慈石

八兩
醋煨炙

辰

砂 四兩

共為細末神麴糊為丸如桐子大

明目黃連膏

此膏能治內外翳障瞳子少光照小散大雀蒙以及
風眼暴發火眼久患氣朦眼時眼紅腫或癢或疼一
切諸般眼疾每用少許點大眼角內效

川連 一兩 黃栢 五錢 白礬 三錢 大黃 一兩

海螵蛸 二錢
黃 芩 五錢
菊 花 五錢

用牛乳五碗煎成膏去渣淨入冰片一錢攪勻
為膏

明目羊肝散

夫雀目乃陰虛肝血不足每至夜晚不能視物雖設
螢燈不辨細微名曰雀盲由邪熱所傷經絡凝滯陰
陽不和榮衛不通之故治宜羊肝散每用三錢嚼羊

肝食之齋戒以豆腐代之常用即明矣

當 歸 二兩
川 芎 一兩
生 地 二兩
赤 芍 一兩

防 風 一兩
木 賊 一兩
夕 利 二兩
蔓 荊 二兩

草 決 五錢
柴 胡 六錢
菊 花 一兩
骨 皮 五錢

連 殼 五錢
石 決 五錢
青 箱 六錢
甘 草 五錢

共為細面

羊肝益腎丸

眼目屬肝腎水滋之則能光明照鑑矣第見世人常有黑暗昏花白膜遮睛遠近視人不真甚至一物視為二物茫茫如在雲霧漸漸冷淚常流皆由肝腎俱虛故有失明之候也余遵古方製羊肝丸此藥生天一之水降地一之火修凋零之木復光明之原經驗奇方百發百中但宜常服豈可間斷每服二錢早晚鹽湯溫酒任下

碧玉丸

此丸專洗一切眼疾翳白遮睛退瘀肉羞明怕日暴

發火眼視物不明迎風冷淚眼邊赤爛每用一丸清
水泡開用絹隔藥忌灰塵入內日洗二三次每一丸
可用數次驗應神效妙不盡述

歸尾 防風 梔子 菊花

杏仁 李仁 白凡 胆凡

川連 麝仁 甘草 各等分

共為細末水為丸如白菓大

退翳迴光膏

眼科之症有虛實之論陰陽補泄豈可不辨乎治療
之法實者瀉其陽火虛者滋其腎水豈有不效之理
乎余修合此膏點諸般爛弦風眼努肉攀睛雲翳外
障迎風流淚暴發赤腫等症並皆治之早晚用骨簪
蘸於目內仰合片時大有奇效

黃丹 二錢 麝香 沒藥 二錢 麝香 血竭 二錢 麝香 黃柏 二錢 麝香

麝香五分 銅祿錢五分 乳香二錢五分 月石二錢五分
輕粉二錢五分 黃連二錢五分 青鹽二錢五分

以上共為細末用牛乳五碗煎成一碗入白蜜
四兩後入冰片一錢麝仁霜四錢攪勻听用

秘製痊睚散

上蘆甘石四兩分作四股一分用黃連五錢煎水製
一分用黃芩五錢煎水製一分用菊花五錢煎水製
一分用黃柏五錢煎水製淨取細面四兩加
硃砂三錢 熊胆三錢 珍珠一錢五分 香腦五分
冰片三錢 麝香三錢

平肝明目散

共合一處研成細面為度

當歸 二兩
川芎 一兩
生地 二兩
赤芍 一兩

防風 一兩
木賊 一兩
蒺藜 二兩
蔓荊 二兩

草決 五錢
柴胡 六錢
菊花 一兩
骨皮 五錢

連翹 五錢
石決 五錢
青箱 六錢

甘草 五錢

共為極細面

